

اجتهاد

نومرو ۷۶



اداره خانه

ایستانبول، جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم
نجشابه کونلری چیقار اجتماعی، ادبی مجموعه

مدیر مرخص : الہامی صفا

۱۵ آغستوس ۱۳۲۹

آبونه

سنه لك آلتی آیلق

تورکیا ایچین ۵۴ غروش ۳۰ غروش
ممالك اجنبیه ایچین ۱۵ فرانق ۸ فرانق

نسخه سی ۵۰ یارمه

قرعه سی جیقدینی زمان کندیسی جورو که چیقارمشلر و پروسیه - لیلوک تعمیرنجه خلعت قرالیی اکتسا ن محروم بیراقشلردی . ایلریده ناصل مد هشن برسوسیا لیست اولاجنی خاطرنبیله کتیرمه یں زواللی دلیقانی قیشله حیانتک ویردیکی براشتیاق ایله فرانسه - آوستریا محاربه سنه کوکالی اوله رق کیتمک غیرتنه دوشدیکي حالده اجرا اولنان معاینه طیبه حرب وضربه قادر اولمادیغنی بر کره ده نظر نده اثبات ایله دی .

فقط اونک روحنده اوله بر آرزوی ظفر . اوله بر ثبات ومثبات واردی که ضعیف قولارینه ، جلیسز وجودینه رغماً صوکره ی « اختیار آرسلان » لقبی قازاندی . به به لده حقیقه بر آرسلان جراتی واردی . قلب علتنه مینلا اولدینی ایچون اختیار آرسلان خاطرانتک اونچنی جلدینی اکال ایتمه دن کچن کیجه خبرسزجه کوچویردی .

خبروفاتی بر صر صر ماتم حالده شیمدی بتون جهان مدنیکی صار صیور و هرکس واله . ملائی بر برینه صوریور : سوسیا لیست فرقه سنک تمل دیره کی بیقلدی . شیمدی نه اوله جق ؟ ...

فقط به به ل : « اگر آلمانیا دشمنک عیون معروض قالسه شواختیار لغمله مان توفیکه صار یلیردم ! » سوزینی سوبلیه جک بر سوسیا لیست فرقه سی رئیس ایدی . بونی ده خاطر دن چیقار مامالی .

۱۲ اغستوس ۱۹۲۶

ینا

«شیللر» هفتمه قونفرانس

کچن بازار ایرته سی اقشامی دارلفنون قونفرانس سالوننده دو قنور عبدالله جودت بک طرفندن بر قونفرانس ویریلدی . (شیللر) ک الک مشهور اثری اولان (کیوم تهل) پیه سنه عائد برایکی پارچه سنه ماتوغرافله کوسته ریلدی . یوتشبت علمی و ادبی ی وطنمزک بک محترم ومعزز اولادندن ساطع بکه مدیونز .

عبدالله جودت بک بوقونفرانسی دورت قسمه آیریلشدی :

۱ شیللرک ترجمه حالی .

۲ شیللرک محیطنه ، محیطنک شیللره تاثیر .

۳ آثارندن بعض نمونه لر .

۴ اجمال وملاحظه عمومیه .

دارالفنونده ویریلن قونفرانس لر قونفرانس جمعیتک

مالی اولیور آیریجه کتاب شکنده باصیلیور . بز بوراده

قارنلرمزه اجمالی بر فکر ویرمکه اکتفا ایده جکز . (شیللر) فقیر بر عائله دن ؛ بر عسکری جراحت اوغلو اولاراق ۱۷۵۹ سنه سی تشرین ثانینک اوننده آلمانیک (مارباخ) شهرنده دنیایه کلیور .

معلومات ابتدائیه سنی محله سنک راهبی (موسه ر) اسمنده فضیلتی بیر آدم دن آلیور . (موسه ر) (شیللر) ی جکر پاره سی کیی سویور و فضیلتی روحنی عادتاً شیللرک روحنه انفاذ ایدیور . رشدی تحصیلنی برلاتین مکتبه کوریور . صوکره ، پدرینک ضابط اولماسی مناسبه (وورته نبه رخ) دوقه سی ، (شیللر) ی بیر عسکری مکتبه آلیور .

بالا خره طیبه مکتبه تحویل ایدن بو مکتبدن طیب اولاراق چیقیور .

بو مکتبه طب ایله برابر الهیات ، حقوق ، فلسفه دخی تدریس اولوندیغندن (شیللر) ک روحی بوراده تشکل ایتمیه باشلامش بولونور .

فقط (شیللر) ه الک بویوک تاثیر مستمر اجرا ایدن (بویوک آدم لک حیاتی) عنوانی اثر مشهورک مؤلفی (پلوتارک) ایله (ژان ژاق روسو) اولور .

ایلاک اثری اولان (شقی لر) عنوانی تیاتروسی یازار . متعاقباً فیه سقو Fiesco تیاتروسی یازار .

بو اثری (آنتریقه و محبت Kabale und Liebe) و (دون قارلوس Don Karlos) اثرلرینی یازار .

(گوته) ایله معارفه سی بوسره لرده باشلار و شیللره اوزده رینه تاثیردن خالی قالماز .

بو زمانه قادار (شیللر) ک عمری در بدرانه

و سفالت ه کچور . نهایت (کته) نک التماس و دلالتیه (ینا) دارالفنوننه تاریخ معلمی تعیین اولونیور .

صوک دوره حیاتیه سنده شاعرک وجوده کتیردیکی (کیوم تهل) پیه سی شاه اثری اولیور .

عبدالله جودت بک ، کیوم تهل ایچین غربک « کاوه »

سی در دیور . حقیقه (کیوم تهل) ک اوینادیغنی رول (کاوه) نک رولی در .

مطبعة خیریه و شرکاسی مدیر مسئول : محمد رفیع